

兩浙輶軒續錄

兩浙輶軒續錄卷四目

唐永齡 朱大齡 謝緒宏 胡紹安 陳吳嶽

龔鑑 胡涵 吳燿 黃治 程南圖

管攀龍 汪若懿 黃濤 王象治 沈嵩士

李陳常 吳連 張韶聞 翁介眉 徐炳

楊璋 鮑駿 施鏗 查克忠 姜聯元

方天禩 王濤 查克炳 葉有筠 顧理美

林時象 汪見祺 盧軒 管鳳苞 徐元禧

戎澄 顧錫麒 潘可藻 朱升吉 姚大呂

韓向東 張芬 董光國 羅志倫 柳夢桂

方庶 汪泰來 袁宏譽 徐杞 王師旦

查雲標 李登瀛 查彪 黃正維 詹英

趙正鏞 柴文顯 管式龍 陳世佑 許惟桂

韓黃猷 方引彥 趙瑜 徐湘 王紹曾

查書繼 沈鼎 汪坤 張文蘆 楊宏俊

林揚 張景曾 翁遠業 柴世疆 黃道暉

李茂先 沈揆 周麟士 王錫 姜順龍

凌紹英 季煌 黃啟圻 黃墀 朱升

董胡駿 童嶼 曹源郊 吳家麒 顧錦

陳光煒 陳奕培 余聯翮 吳問郊 許大綸

施觀保 周定昌 沈莫尙 莊允雯 金蘭庭

鄭大倫 朱林 卓基 黃之傳 裘豐芭

江光被 陳其均 潘世懋 鄒允煥 俞鴻馨

周 霖 周雲抒 錢觀江 陸尊周 查瀚

章勛 葛世揚 桂成章 唐文煥 張祖年

曹恆吉 倪長駕 陳皓瑜

兩浙輶軒續錄卷四

督學使者潘衍桐訂

唐永齡

字敬承號舜年秀水人康熙己卯舉人官清安教諭著鳴秋稿

樸村詩話舜年官清安時承縣徵儒戶糧遇貧不能輸者出已俸貸之官十年歸幾無以辦裝

登方文輶皆山樓

畫樓曲曲試攀躋香繞雲迴路欲迷螺黛平看千髻聳琅函
高擁百城齊花如有意當人笑鳥亦多情向客嘯爲問主人
忙底事一春拈過幾詩題

朱大齡

字摺九號竹巖海鹽人康熙己卯舉人官西安教諭

校官詩錄竹巖質樸無華飾性耿介學博行修卒於官清貧眷屬至不能回里西安人士憐而留之遂家焉

游太平庵

谿雨過無迹荒庵長綠苔水聲當石咽帆影隔牆來煎茗僧
留客呈詩佛愛才遠山飛活翠環繞雨花臺

漫興

韶光如夢不分明
撲地春痕柳絮輕
滿徑密添新竹色
鉤簾細聽落花聲
書窗傍暮風翻帙
棊院無人鳥拂枰
自笑一詩吟未穩
空勞百徧繞階行

謝緒宏

字子任鎮海人康熙己卯舉人著燕山吟旅遊草

題丁赤文小影

聞君正壯歲足迹徧九州
高才吐珠玉豪氣轢王侯
胡爲披此圖蒼然道者流
手捧一輪月危坐澄雙眸
豈曰耽泉石此意深且悠
愛日併北堂長圓春復秋
我亦遠遊子感觸增離愁
拂衣歸去來富貴如雲浮

新春有感

纔看寒梅放旋驚春鳥鳴
緣愁醒夜夢因病惜餘生
老大身

還賤蹉跎名未成歲華容易過袖手且閒行

胡紹安

字國期號筆廬平湖人康熙庚辰進士官直隸武清知縣祀名宦著筆廬偶鈔

戈韞石曰先生與羣季下帷攻苦每夜睡刻盤香數寸以巨錢貫其上下置銅盆香燕盡錢下墜鏗然有聲卽起讀令武清有惠政積勞卒于官武清祀名宦者寇萊公後止三人先生與焉

河閒道上

黑風刮天天峭寒崩沙十尋牌子酸樹頭搶地山卷髮耳邊
驚爆聲如湍長安旅中歸去客三月天氣愁衣單疲童蹇衛
不得進進寸退尺空盤桓吾生那計黃金盡脫手一擲如彈
丸但恨囊無蕢酒物口中澆潑杯中乾明發旅途近寒食韭
芽黃嫩堆蔬盤赤腳踏歌興不淺直待寒玉齊眉端

送人禮九華山

躡屨思登最上巔自拈香瓣禮金仙九峰花氣昏如雨十里

松聲響似泉梵夾翻餘眉挂地宗綱譜後鼻撩天煩君訂與
新羅誤白飯巖頭話昔緣

北歸小草

棟子花風陣陣吹峭寒春信卻嫌遲旅人積有關山恨怕向
旗亭聽柳枝

陳吳嶽

字大錫號五亭慈谿人海甯籍

府志吳嶽官漢川知縣遇水災發倉振之全活無算襄
水壞廬舍相地築隄民免漂流報最行取禮部主事卒
官於

同友人游香山

偶同著屐到山阿拂袂濃青徧女蘿雨後蝸涎添薜路風高
鶴羽折松窠題詩不及前人好說法休逢老佛訶遙見殘碑
一惆悵欲搜寶刻已乖訛

龔

鑑字凌上錢塘拔貢
官江南甘泉知縣

浙人詩存先生無書不
覽同人比之孝先腹笥

薛蘿軒看桂小飲

探勝清溪曲蒼茫一徑煙香分金粟界人是玉堂仙得句欲
題石飛觥爭泛船盛遊留後約照席月初弦

胡

涵字延獻錢塘諸生

菊花

乍聽豐山午夜鐘新霜籬落愛扶筇敢誇晚節逢人傲自遜
羣芳得氣濃久假聲華憐薏苡同甘冷淡有芙蓉白衣解送
重陽酒醒眼看天獨撫松

吳

燿

字西庚號叔子
焯弟錢唐貢生

飯抱經亭卽席限韻

晨光煊高柯亭幌翳碧色老眼眇繙經十字不一得論詩幸
契陶醉語天所力咄嗟辦觥飯牢丸雜籩食山近微雨過歸
雲邀可卽

黃

治

字允安號松汀仁和諸生

吳振械傳畧松汀先生爲書匡丈從叔幼共筆硯耽事吟咏詩往往脫口而出不假思索五言如江空惟有月風動欲生秋可入選句圖

舟泊富陽縣

斗大山城望裏收居人齊住浪西頭迴塘柳色青逾重隔岸
嵐光澹欲浮舟子纜船尋小市酒家聞語說杭州到來無限
鄉關思獨上春江第一樓

程南圖

字春江海甯諸生著聽秋館短吟

硤川續志南圖至性過人親歿三兄皆蚤世家無立錐竭力營喪葬困甚業醫自給復以醫之所入爲仲兄遺

孤娶婦已而兩姪客死又迎養寡嫂教育其孫
十餘年如一日歿後無子鄉里私謚孝潔先生
豔雪亭雜纂春江先生與許慕迂太史焯王穀原比部
又曾交最密多所倡和其南園看梅作有影含驢背吟
邊雪香勒紅樓笛裏風之句慕
迂極賞之以爲有晚唐風格
緝雅堂詩話春江著有歷代名臣言行錄其書不傳此
類著述專采一代事蹟以備掌故如朱子名臣言行錄
最爲雅核有用若兼及歷代體例難定又患漏略殊不
易爲嘉興錢氏
國朝碑傳集開蘇州書局已付刻此書稿本曾見于吾邑
馮竹儒兵備讀有用書齋采摭繁博先正事略非其比
也

春晚懷伯兄

時館玉山縣署

依舊池塘草漸迷相離無計慰相思雲連懷玉山程近魚繞
錢江尺素遲三月鶯花愁似夢一春風雨鬢成絲欲知別後
銷魂處獨掩西窗翦燭時

管攀龍

字躍麟海甯人

海隅遺珠錄 躍麟晚情書史吟
詠自娛不慕榮利以韋布終

散步蜀岡口占

暫向平山聽玉簫蜀岡人散過春朝柳花飛起渾如雪扶醉

行吟廿四橋

汪若懿

字子美桐廬增生

桐君山

屹石憑江鏡裏看遠帆飛影上危闌半峰日徙村煙冷萬竹
雲蒸嶺色寒丹竈幾年封碧蘚仙廬何處點蒼巒只今惟有
山前月長照梧桐落葉殘

黃

濤

字觀只嘉興人康熙壬午
舉人官山東滋陽知縣

烏石山

石壁倚天開披榛弔古來雲荒聞虎氣日冷見龍回密竹迷

飛瀑孤鐘出劫灰可知僧久去寂寞賸香臺

王象治

字子揆慈谿人康熙壬午舉人

谿上遺聞象治季父案三與同邑姚氏構釁禍及象治年十二避難出走時村民以將相子爲業象治隨厥往懷舊書一本隨讀隨將村人聚觀咸異之比長與齋學使光敦爲文章知己最投契云

送別

古塞黃雲路幾千西風匹馬促征鞭渡頭官柳那堪折寂寂

滄江鎖暮煙

沈嵩士

字秋畦海甯人康熙癸未進士官順天寶坻知縣

吳敦曰邑東舊倉沈氏自明以來累代科第不絕秋畦少稟耿嚴太史庭訓詩文具有淵源

桐鄉風土述略

父史雙峯下平原接水村繁華推漢墅忠孝重楊園蒸藥羊

無骨

山藥別名沒骨羊棲梧鳳有孫五代時有我懷烏谷戊

桐邑種多而味美

王象治 沈嵩士 李東第

郡邑聲屏藩

烏鎮為三郡七邑交界處處以重兵

書葉忠節公殉難疏後

公諱映榴號蒼巖上海人順治辛丑進士官湖廣糧儲道攝布

政使事適夏包子以裁兵倡亂公先遣僕奉其母及妻女出城由水道還滬刺血書表聞使入奏朝服坐堂皇自刎

供職儲糧贍兩湖水心政早著嘉謨

詔移使節開藩府警報妖氛煽楚都守土甘為袁粲死全親

肯效趙苞愚立言不朽兼忠孝絕筆書成血淚枯

疏中有云上辜三十

載之

負七旬餘之母德

李陳常

字時夏一字嶧山號晴峰嘉興人康熙癸未進士官至巡鹽御史

遠香詩話齏院官刑部時京師賈人控涿民借帑運千三百人力爭不得閱數月十四日積案累累逮繫通直省大司寇專以相委提賈人審經執法不撓省釋冤民萬計官鹽政潔已惠商與張鵬翮趙申喬張伯行諸公稱十廉

康熙戊子長夏京邸寄祝竹翁朱太史八秩

天子文章更錫齡奎垣躔入老人星香山已冠耆英社柱史
還窺道德經健筆百年摹篆籀雄詞四海乞碑銘釣璜重爲
蒼生起好杖青藜步

內廷

喜聯桑梓仰松楠間字揚雄接笑談詩駕風騷淩屈宋學搜
官禮備郊聃星猶拱極仍依北鍼爲迷途愛指南廷尉門從
羅雀冷山中教授勝朝參

歡尋謝傅登山屐雅傲陶公漉酒巾讀史人推千古眼著書
天護百年身蓬萊註得長生籍桃李栽成不斷春寄祝一觴
申緩約他年歸待五湖濱

吳

連

字右將號豐亭常州山人康熙癸未進士官翰林院庶吉士著豐亭詩文集

縣志連幼敏悟每同人社集日不移晷數藝立就
居鄉慷慨任事凡修建學宮橋梁道路輒首倡之

輓徐少文師

腸斷春風成永別那堪又過舊亭臺十年師弟同蕉夢一代
文章付劫灰野樹叢生藤漸蔓荒階人散鳥潛來可憐無處
追形影日逐江波去不回

平原入望草芊芊城郭於今自管絃道在尙能興絕學人亡
何處問薪傳一聲杜宇悲殘月幾樹黃楊戾閨年擬作楚些
慚宋玉淚痕流不到重泉

張韶聞

字六音號曠庵晚號
松筠老人錢塘諸生

遊蓮若庵

柳覆苔磯纜酒船清遊暢好嫩晴天如鉞幾簇魚苗上優鉢
花搖五色煙

翁介眉

字武康號孟白錢塘諸生

浙人詩存孟白於康熙二十年偕武進蔣玉淵先生同輯

國朝詩初集共數百家最稱完美前此無選本也

鑪峰

選勝清遊逸興濃御風小立撫蒼松
筍多成竹生新籜樹老飛花落細茸
北極雲煙千里合西陵廬井萬家封
閒尋往跡忘歸路遮莫天台采藥逢

徐

炳

字畏庵海甯諸生著畏庵零綴集

杭郡詩三輯畏庵性孝友篤念本原與弟煥倡公積法以爲時享之資有贏以周族人之不給讀書之無資者

擇交歌

古人貴擇交斯言慎勿忘況以今人情不若古人長一語涉
錯誤干戈啟參商一事爭錙銖禍變動蕭牆朝爲管與鮑暮

成孫與龐人心良可畏古道已云亡息游所以詠絕交所以傷君不見談笑謹呼滿綺筵門前冷落誰向前又不見平居握手盟山海黃金散盡顏頓改爲君試作擇交歌擇交在始庶無悔

楊

璋

字慕齋海甯人官順天懷柔知縣著慕齋詩賸一卷

海昌備志慕齋以清鯁落職力田自給其平生略一卷誌任懷柔時禁游民侵佔止藩丁橫索以及築城清振俱見經濟

聖祖

南巡謁

溫語

以廉吏旌之尤爲一時榮遇云

起復後遂有括蒼之命入臨安道中感賦

薄宦天涯盡畏途誰知身世轉崎嶇一編書卷仍孤客半載風塵愧壯夫城外陰雲愁不斷牀前夜雨夢來無幾番回首當年事忍聽啞啞頭白烏

鮑

駿

字聲來號桐石平湖諸生著台游草

石

濂

山房詩話桐石少從汪鈍翁稱其詩入錢劉之室

一

時

名流如施閏章王士正葉方鵠田雯潘耒皆樂與

之

游

舉博學鴻詞丁外艱不獲試中年徧游五岳歷雲

中

江

右武夷天台諸名勝晚歸築室曰草庭圖書四壁

花

木

一簾日曠歌其中閒工臨

池筆法離奇天矯得顛素神髓

宿石板路

征途逢夜雨愁殺詰朝行欲竟名山約能忘客子情檐虛雲
自宿野曠鳥爭鳴好景應濡筆蕭蕭夢亦清

渡江至西興道中

十載錢塘路重來對越岑沙痕秋水圻嵐氣晚鐘沈車馬通

支徑人家隔遠林兒童閒跨犢山半踏松陰

施

鏗

字屏山鄞人著一醉樓集

村居春曉

雞鳴啟羣動紛然各有營曰予敢宴宴託以遂高情褰裳涉東園蒼翠露猶零蕪穢日就理嘉植欣滋榮春懷感微吟好鳥相與鳴筋骨雖告勞喜無俗慮并力貧志所適豈爲薄榮名

查克忠

字厚村海甯人康熙乙酉舉人

府志克忠居親喪哀毀骨立事叔母如母撫同室弟如同胞戚鄰之貧而無告死不克葬者周卹無德色畱心經濟纂述選舉河工漕運利弊約舉數萬言

觀魚

逐隊悠然樂自如桃花水漲竹風徐無端觸我濠梁興莫問莊周且問魚

姜聯元

字三如遂安人康熙乙酉舉人官內閣中書改臨安教諭

縣志方藝如稱其文潔淨精微深于易理

池荷並蒂萬明府贈詩步韻答之

蕭齋無物件清晨忽覩奇花傍水濱氣奪秋香雙作合影依
夕照兩相親非關人事休言瑞亦似川靈欲效珍爲問等閒
桃李樹誰堪作佩擬蘭紉

方天禩

字周卜遂安人康熙
縣志天禩平居以孝友稱家貧授徒奉甘旨晚客維揚

遊隋苑登平山堂與名流互相倡和工楷書行草爲詩
古文頃刻于言

遊文筆僧舍

我來蔣生徑暇日愛幽討嵯峨文筆峰秀出羣象表結伴事
遨遊峭徑何繚繞漸入雲深處憑高恣遠眺奇峰各爭妍汀
洲滿芳草居民正午炊青煙倚樹杪和風忽來遇梵音殊了
了得聞世外談塵懷一以埽旣歸猶戀之夢游達清曉

王

濤

字浩疆仁和人康熙乙酉武舉人官至廣東韶州總兵著浩氣集

進勦高坡箐歸途卽事

荷戈開營門壯士奮忠烈
殿殿笳吹悲草木俱凜冽
旌旆互長蛇閒道防侵軼
未事慎綢繆臨事貴勇決
霜威劍鐔寒風勁弦聲疾
合圍似月闌分布類星旂
馳突勢無前俘馘兩相埒
逐北止力追焚燎憐餘孽
窮寇苟伏辜奚忍肆翦滅
轉戰本凶危焉保無挫折
泰山與鴻毛得所標勁節
生氣千秋存沙蟲漫幽咽

查克炳

字孔昭海甯人官安徽鳳陽縣丞著與宜樓橐

雨中南鄉董役夜宿韓家寺

農夫望雨久我行適與會
良苗槁漸蘇如餒得旨味
不惜衣裳濡喜此民有歲
天意閔斯人蠢賊爾何害
田祖應有神炎

火盞秉昇前村見茅屋叩門暫解帶未得辭簿書鞅掌敢告
瘁

明月照中庭夜起散煩溽好風颯然來一去大暑酷田歌三
兩聲時斷忽復續非有招隱人而我感羈束家饒負郭田亦
足營饘粥曷不歸去來賣劍買黃犢

葉有筠

字載武一字此軒富陽諸生

吳南田見贈卽和其韻

霖霖絲絲拂面吹高情過我折巾宜雙鳬橫渡衝煙破獨鶴
幽棲噴玉奇魚目混投慚小詠羅珠滿串耀新詩且舒清嘯
開三徑對竹虛心可作師

顧瑄美

字輝六嘉善人

寒食

三徑逢寒食淒淒芳草妍殘花催暮雨暗月照嘯鵑馬渡斜陽外人歸落雁邊不須傳禁火塵甑久無煙

江行

西望澄江盡翠微旅人晴日試春衣紫雲朝擁扶桑樹白浪遙飛采石磯六代河山畱錦纜千秋關塞落斜暉扁舟一繫江干上醉看三春燕子歸

林時象

字穀男號松壇鄞諸生箸萍囊小草

獨不見

小少入長楊隨行侍春讌捲幙納新涼雙雙憶飛燕中宵雁哀鳴無心執紈扇枝頭發玉蕊含情鎖深院自解邯鄲曲承恩賜雙鈿玉樹後庭秋傷心獨不見

偶懷

汝逐風塵去吾心亦向秦如何一片月各照異鄉身明滅孤
檠夜煙雲匹馬親陽關豈天末早慰夢中人

汪見祺

字無亢錢塘人
嘉子康熙己丑進士官禮部主事

喜晤王露潛

寂寞東籬罷酒后長吟極望竟誰知清霜野寺愁邊路黃葉
江村夢裏詩四壁秋聲蛩語夜一天涼影雁橫時關河又是
逢搖落話徹寒更臥每遲

盧

軒

初名輅字六以海甯人康熙己丑進士官國子監司業

海昌備志六以學有經術康熙丙子以大興籍監生中式旋因僑寄被斥歸未幾

召復

舉人與纂佩文韻府己丑成進士授檢討遷司業與修春秋傳說彙纂

管廷芳

曰六以司業以春秋絕學名其潛研之功實與

鄉先輩朱康流張元帖鼎時康流元帖說經諸書邑中

尚有藏本而司業窮經著述幾無有知其目者司業未

遇時以詩鳴京師今所存者亦甚寥寥日堂文鈔若干

卷周大令松雷尚以未見爲憾知其佚而不傳者久矣
道光甲午秋試於杭州市上得殘葉一冊僅十有二篇
尚無卷帙次序蓋付梓未竣而中輟者故吾鄉罕有傳
本其中所載春秋五書各白序皆足考當日著書大旨
不主胡氏傳并參以左氏公穀之同異與州乘儒林傳
所言台外有三傳擇善一書未及脫橐而沒集中上座
主侍講張公論擇善書云春秋一書非得聖人之真傳
不可強說故博探史漢及啖趙以下諸注以證之又云
事鉅工繁非十年不能
告竣其用心亦良苦矣
緝雅堂詩話六以司業深于春秋之學撰述甚富著有
春秋古經四卷春秋三傳纂凡表四卷讀春秋偶得三
卷胡氏春秋傳疑二卷阮占廣師三卷三傳擇善詩依
永賦役通考王注蘇詩摘謬韓筆酌蠶三十卷日堂詩
鈔二卷日堂
文鈔若干卷
許淮祥曰謹案前錄譌作石堂詩鈔云盧輅素功撰爵
位未詳今閱海昌備志据以補傳非敢摘前人之誤蹈
重出之嫌藉以
表彰鄉先達云
贈閻百詩徵君

人生一世如寄館光陰敲石何容翫俗士唐捐最可悲狗苟

蠅營畢昏旦羨君歲月免虛糜寒暑晦明惟伏案檮蒲幾齒

全不聞舍園佳景何知看百家觸處並貫穿二典有時容點

竄君著育尚書古文疏證同客南州近一年時時經室來舉幔簡編排

次似魚鱗披閱忘疲手脫腕當其蓄疑鬱何如執熱未濯病

未汗當其有得快何如足下生雲腋生翰淹通肯比叔譽窮

辨覈無愁何妥難頻頻沈思徹幽冥喜聽雄譚起庸懦人惜

君才不玉堂搔首爲君發長歎我知君樂是讀書河汾餐粥

甯夸謾盈箱箸述好深藏不怕名山白石爛

管鳳苞字桐南海甯人康熙己丑進士官直隸高陽知縣舊塞外紀行草

惠棟序畧先生壯年釋褐出宰高陽有善政以事罷歸里居鉅戶益肆力於經書其學以四子爲綱領以諸經

爲條目以宋元諸儒爲羽翼以紫陽朱子爲折衷其通四子書凡禮樂朝會祭祀冠裳等制必講明而切究之

每病學者耳剽目竊游談無根因取四書中故實著讀經筆記一書將以嘉惠後學甚盛意也

杭郡詩續輯桐南令高陽時值餉軍巴里坤當事者檄
往運粟由都門出塞過陰山走瀚海淒涼憔悴供以吟
詠寫之歸途雪阻糧絕以木葉煨倒斃馬肉以食同
行者半僵于道桐南獨生還後因炭饑以擅放倉粟落
職回籍晚號

長耐老人

輯雅堂詩話管氏爲海甯望族一家羣從多有文學桐
南所著書有讀經筆記三十六卷續筆記二十卷三禮
纂要二十卷平昌家乘畧一冊杜詩纂注
四冊塞外紀行草二卷慎餘堂文集十卷

哈密道中

羣峯刺天如立壁幽巖絕壑雪凝白古松落葉草不青馬鳴
蕭蕭踏碎石河流疏勒聲嗚咽都尉難尋戍已迹羊裘厚擁
寒益嚴刮面風刀裂膚革驚沙千里人煙稀每恐微軀陷大
澤隨行十步九顛仆斷砌層冰未消釋雁聲嘹唳天南飛惹
起鄉愁是窮磧荒荒日暮遇穹廬笳管淒涼出林僻拾薪煨
炕土不溫且覓燒春醉今夕磷磷輜重擁馳城散賞資糧按

軍籍疎星未沒復遄往慷慨何須怨行役男兒奮志立功名
西出燉煌敢云戾歸來生入玉門關擲地詩篇驚霹靂

出塞

斷雁一行沒勞人萬里行不堪愁白髮竟欲歎浮生烟外留
荒磧沙閒露古城夜深寒更逼遙聽老駝鳴

徐元禧

字非云歸安人康熙己丑進士官四川名山知縣著曼如詩鈔

府志元禧熟諳吳興掌故窮年著述輯湖佚四百餘卷手自鈔錄所按明人說部遺集多世間罕覩者當時與鄭元慶湖錄並重

吳興竹枝詞

茗水銀魚軟若絲西山盧橘大於拳儂家只愛菱花好照徹
明妝滿鏡圓

戎澄

字心源號于岸鄞人康熙己丑進士官兵部主事

縣志澄至性過人終身孺慕知德陽縣以廉能為大吏
所重遂以全蜀丈量委之澄素精句股學親自履畝凡
兵燹後開墾成熟者尺寸無隱漏
久荒賠累者輒予豁免官民便之

過定海縣

百雉重開氣象雄依然海國古句東魚鹽地沃農氓集島嶼
波平驛使過幾處隄防勞鄭國誰家雞犬識新豐由來時際
昌隆會回轡應扶造化工

顧錫麒

字作三號默堂平湖人康熙辛卯舉人官安徽當塗知縣著默堂草

石瀨山房詩話默堂從父崧來先生與清獻公為鄉會
同年嘗往來家塾時默堂年卅角授讀性理以陰陽男
女善惡之旨相質證早為清獻所器辛卯登賢書出宰
當塗以不善事上官歸老屋三間荒田半頃種松栽菊
彈琴著書暇則鍵戶閉關足不入城市刺不謁官府焚
香暖茗坐蒲團揮竹如意吟小詩以自娛詩多直抒胸
臆似邵子常
足寫中語

棲心寺和姚長老韻

不爲浮名絆此身晏然憩息入祇林松花半畝常充鉢竹影
千竿會寫心好其懶殘煨宿火閒同賈島續清吟一瓶一塵
垂垂老行腳何須返故人

潘可藻

字賓文號懶庵景甯人康熙辛卯歲貢著懶庵集

縣志可藻少負奇氣淹通典籍工詩文繪事旁及岐黃術數

盧敖洞符

鬱鬱盧溪山清清盧溪水中有太古洞臨流倚山趾盧叟愛
幽棲名與山終始巖畔多此君瀟灑無與比風生自拂塵月
影散青綺下疑有螭龍馴伏幽崖裏忽聞春雷聲戢戢角聳
起外裹青玻璃中蘊玉肌美其味甘如飴其狀大於枳異種
自天生誰爲隸鄉史佳物待人傳黃花馨栗里濂溪與東陵
蓮芳瓜亦旨仙翁去不還高風千古峙可望不可卽烟凝暮

山紫

呈汪公特亭

力役古不免使之貴以時苟非法君子民困兼葑離吾邑彈
丸地城郭傍溪湄千峰出雲表壑畔皆町畦烟村倚林塢猿
狖行相隨農家急官役跋涉廢耘耔鳩形越鳥道一步一嘯
嘻老稚力不勝典質及犂鋤閒有待哺者掩戶日啼飢負戴
溢道路甚矣憊莫支賢侯父母心哀矜亟撫綏始自下車日
傭夫捐俸資積弊冀永革通衢鐫豐碑窮黎釋重負一旦瘳
瘡痍力田麥雙秀植桑無附枝夏不糶新穀春不賣新絲遐
邇歌善政銘泐入心脾德與邑終始何日可忘之卽諺成短
章誌感非有私

村居雨中

一枕涼生氣似秋山雲亂湧勢油油風翻竹浪舞青鳳雨鬪
松濤鳴翠蚪看到階深三尺水坐來心長十分愁村煙寂寂
檐聲急獨臥林梢百尺樓

大漈觀瀑

縱屐尋幽勝穿雲入翠微山含天影立水抱日光飛爭道銀
河瀉還疑玉屑霏考槃饒隱趣誰共製荷衣

懶庵十二絕

錄三

茅庵十笏寬因我而名懶讀倦枕書眠階上落花滿
我心有所思懶向俗人語得意自忘言花閒獨容與
炯炯雙星眸懶作青白態數卷老莊書晨夕長相對

朱升吉

原名霞字曙
升錢塘諸生

江上秋懷

江上潮聲迴江邊樹色秋西風吹落葉一半下寒洲射弩何
年事揚舡此日愁前途逢賀監買醉酒家樓

姚大呂

字舜韶號茶山又號白河錢塘人
著蟋蟀吟待焚集倦還集思痛集

冬日田居樂

辛勤事耕鋤歲成喜中熟妻孥亦忻然空場已登穀門無追
胥喧努力官輸足風雪漾前除天氣愈消縮短褐裏純絲新
醪炊折竹蔬植饒瓜苴一醉飽饅粥三五話殘年坐臥雜羣
牧隱隱見篝燈春聲出茅屋

雜詩

青山佳氣靄諸峯澹無語白雲少定姿隨意自來去俯瞰青
瑤流輕波漾容與林塘互幽映水木勢軒舉杳杳捕魚人孤
舸橫浦澈日暮喧飢禽羣飛落何處

喜黃水亭歸里

飛鳥天涯倦始還
蕭然襜被下江關
馮郎食盡空彈鋏
杜老吟多更損顏
百里煙波孤艇雨
一春茶筍故鄉山
年來我亦憐行屐
歌吹蕪城夢正閒

韓向東

字袖海錢塘附貢江蘇候補巡檢著天風環佩集

杭郡詩三輯袖海善詞令喜談諧與周孝廉大受同入聽雨樓詩社最相得

海陽歲暮

鄉心空逐下灘船
殘臘蕭條暮雪天
雲海暫遊成獨客
湖山小別忽經年
思親夢繞千山外
展卷心慚十載前
浪擲光陰付花鳥
寒燈羸得不成眠

張芬

仁

字子漸

府志芬博綜典故有質疑者應之如數家珍與江浩虞宗瑤鄭鍾輩爲讀書社其法約數人共讀一書數日務

了一義最有條貫晚愛西溪
之勝時握一卷吟詠其中

登甲子山青漪閣

當戶偃蒼松環籬擁翠竹草閣抗羣峯日夕縱吾目烟水豁
塵情天地曠樵牧羈懷夏日長歌狂神鬼伏溪寒月未來冥
冥遠山綠

董光國

字觀之
海甯人

叔母吳孺人飛鵬公室也苦節未旌詩以紀之

萱草遙連貞女林雪霜何意故相侵更教垂暮殂文伯不遭
遺孤似彥深淚灑簾帷還漬血魂依骨月總傷心階庭賴有
孫枝在次第看成百尺陰

羅志倫

字彝正新城諸
生著寫意集

游百丈山

卓筆峰晴翠靄浮逶迤曲徑漸通幽風回絕壑松長嘯花落
深潭鳥易愁塵慮頓拋青嶂外詩題好寄白雲頭亭亭石刻
西來意笑問枯僧何處休

柳夢桂

字月卿號木生慈谿諸生著浪吟箋三編望古齋詩文詞稿又新齋詩稿

秋暮有懷

落日空山靜涼風古木秋寒光凝野寺暮色動江樓寂寞離
人意蕭條故國愁賓鴻吾羨汝棲宿蓼花洲

方

庶字以蕃遂安人著硯樵前後二集

毛際可序略方子丹青古秀深得荆關遺意常采藥瀛山寶石閒經旬不返詩復俊逸清老近作竟入化境

靈巖瀑布

路入山煙去青苔咽屐音山鳴疑雨近源遠出雲深樹影巖
中畫泉聲石上琴幽奇千載闢留以醉予心

浩浩垂今古悠悠無歲年光芒高噴玉濺沫細篩煙虹隔家
山雨雷驚風雪天靈潭莫久視恐犯臥龍眠

汪泰來

字陸交號後山徽州人錢塘籍康熙壬辰進士官廣東潮州同知著半筋集

府志潮州姦民往往運米濟海盜素來嚴禁緝杜絕之民始安息管東西兩界鹽場發帑不假手胥吏赴場督收餘鹽不令利歸私販場課溢額革魚船規例禁踏勘供應以羨補前官虧闕戊戌夏山水暴發決北門外隄倡議捐築射先審鍾不數月隄成民稱為汪公隄

曉發

吳江船趁雞鳴發流漸齧櫓聲欲折殘夢朦朧去路遙吳歌
斷續當風咽擁被難舒兩足冰推窗斜漏一痕月林野無聲
瘦影寒清波不動煙水白此際心驚畫裏身此圖曾見詩人
說夜來偏怪酒力微曉看篷上霜如雪

袁宏譽

字伊望錢塘人康熙壬辰進士

秋鴻

天際鴻飛急衡陽有斷雲敢辭長作客猶幸不離羣影落龍蛇跡聲寒鵝鴨軍稻梁收正薄慚愧爾來賓

徐

杞

字集功號靜谷錢塘人康熙壬辰進士官至宗人府府丞

府志杞由詞垣擢御史巡撫風節多所建議轉參議晉太常雍正入年赴廣東巡撫政嚴開礦之禁授甘肅布政使調湖南擢西安巡撫入爲宗人府丞

汪孝子詩

名之麟字天石號怡庵杭州人

習隱辭塵俗端居葆性真心惟甘淡泊質更抱清淳盛德孳行路遺風表摺紳慈幃期不老子舍訖終身寢膳朝昏切扶持左右頻疾無煩上藥誠可格明神寸草情逾苦三春景欲淪瞻容餘涕淚營葬劇艱辛不問生存日甯忘永感辰雙鳩廬上乳縞兔隴邊馴自昔傳靈異於君孰比倫一朝成大暮

千載失完人幸際

明良會欣看

綸綽新芳聲長不沒圖篆勒貞珉

王師旦

字愚庵海甯人康熙壬辰進士官江蘇通州知州

州志師旦初除粵東興甯令著廉聲民或被盜捕者遇羣飲甚酣疑之執以告一鞠釋焉吏請再鞫廕曰吾豈以數命易一官耶攝香山篆見無票海舟蹤跡頗異縛試具服盜賊猶在也積案中有一好言匿何所當宥爾屍未獲召嫗嫗謂曰爾子不死爾好言匿何所當宥爾然反坐矣嫗頓首服罪即釋番人其主感悅齎洋產數萬以謝不受調新安遷知儋州有盜魁虎而冠者師旦訪實未之官逮馳叩其門乘其出迎擒之榜於市權知瓊州府調牧羅定尋補江南通州以供薄失使者意挂計典歸性愛客士多來歸俸餘悉散之暮年儲無儋石泊如也

登盤陀石同陳闇齋

世侃作

盤陀名勝此山陬謝客相隨最上頭遠寺鐘聲聞下界夕陽

塢影映中流巖花無主開還落林鳥有時嘯卽休遙憶虎邱
峰頂石轉憐今日是清游

查雲標

字學庵海甯人康熙壬辰進士官禮部主事

海昌備志藝文目查雲標著查氏族譜約編勉耘齋詩文集十七卷勉耘詩集四冊

七烈詩

七烈者余家從祖母周氏張氏從祖姑黃母及二姑
三姑黃三姑并廉母爲七也七烈之本末粵東莊庶
常已爲之傳茲不具述獨念余族姓散處天下自天
行之高祖從江右遷於京世有名德至從祖振實明
寰聲益振時家富于資食指百計而兄弟同居絕不
言分析雅有張公藝之遺風周爲振寰公嫡配張爲
明寰公嫡配周嫺於禮法張兼通經史相與有成謀

無不協娣姒閒有足多者黃母廉母皆嫠居無倚歲
時奉養視同一家尤人所難流寇犯京師周張厲志
捐軀諸母若女同聲激昂有死無二非其素承家訓
明於大義何以得此李延壽有言婦人之德非溫柔
無以成仁非貞烈無以顯義茲非其倫與再傳而天
行慷慨有氣節諸嗣子復濟濟能文天殆將昌其澤
以報七烈之靈于在天也因爲長歌志其事備史氏
采錄焉

玉中重珪璋竹中表蒼簣遇火不變玉始良遇霜不改竹仍
蒼嗟哉女子心乃與烈士齊剛腸得其一二已云異何況七
人一心視死如還鄉我家出新安散之天下無他揚偶移一
枝居京國兩世單子守巾箱延及從祖凡三葉二難又復愴

元方有母周與張閨門之內和鳴鏘平生孝敬兼慈愛施及
三黨誠周詳嫠姑無夫妾有母團樂保聚甘苦與均嘗婉婉
三淑女異母而聯行讀書往往慕前烈生有仙骨非尋常有
明之季逢百六黃巾白騎何披猖夕烽照入蓬萊殿白衣紅
袖擾擾爭奔忙我家從祖素長者國難如此家安藏殿城內
外久隔絕縱有羽翅何由翔周張二烈乃相誓婦人義無出
帷房分逃安坐兩不可祇有一死可以維坤綱從旁聽者無
少長攘袂而起爭慨慷先拜神祇後家廟投繯畢命堂中央
九人同盡甦者二火燎不盡還崑岡維時半空神鬼哭白日
晦冥幽翳無晶光明朝城破人奔竄賊見動色心徬徨古人
亦有言婦人禮法爲隄防有時繞指柔化作百鍊鋼當其奮
激天爲動一身而外皆毫芒哀哉弱女知大義母存與存亡

與亡綖縈木蘭今已矣令人太息追遺芳我觀漢魏而下多
烈女比較鬚眉更激昂一門七烈古未有想見平時家教嚴
冰霜劫灰蕩盡靈光在神理其卜再世昌詩書之澤引勿替
翻思前事增惋傷我歌七烈詩據實詮次無浮章玉有時而
毀缺竹有時而萎黃惟此七烈之名垂不朽光諸青史同于
山高而水長

李登瀛

字天山會稽人康熙壬辰進士官江西安仁知縣

養自自然齋詩話先生與同郡諸人建詩巢於湖桑康方
千巒以祀賀季真秦公緒方雄飛陸務觀楊廉夫徐文
長六君子湖山勝集觴詠甚盛嘗屬蔣南沙相國續鑑
湖垂釣圖自為之記長洲汪退谷中允以精楷書之晚
年自號梅谿著有梅谿集二十四卷經亂盡佚祇垂釣
圖記及詩上虞王氏鉤摹入天香樓法帖今其六世孫
純客農部搜訪遺詩得如千首為余言之

自題鑑湖垂釣圖

不博蓬池斫鱸名不將魚稅代躬耕綠楊陰裏垂竿坐閒看
一湖春水生

陸家埭北賀莊東南岸橋隄互若虹獨坐湖中孤嶼上愛他
四面釣絲風

細雨斜風不受欺綠蓑烏艇最相宜有時貫柳入城去人道
南湖舊釣師

錫山阻雨懷劉師

雙槳衝煙鴨嘴船神馳藝圃舊堂前山中館有雲門學篋裏
書傳越絕篇故國菊花應載酒寒林茶火自烹泉燈殘分得
佗鄉夢早有嘯烏警客眠

查

彪

字文學錢塘廩生

浙人詩存先生不以詩鳴而興酣落筆時有佳句

兩浙輶軒續錄

卷四

查

彪黃正維詹英

初夏卽事

自把柴扉掩蕭然新夏時一園花事了半壁柳陰移睡起貪揮扇閒來愛課詩風情殊不惡小立聽黃鸝

黃正維

字萊堂錢塘人官四川榮縣知縣著殷音集

杭郡詩續輯萊堂宦蜀十年五理劇縣其詩衝口而成不言標格槩本好作奇字龍龕手鏡刺取頗多顧逸詩百聯中如琴露花氣常含潤酒得詩情亦太清白鳥數聲絃外曲青山一抹鏡中螺下點暮山當檻出一灣寒水繞溪回飛閣迴臨雲雨上乘槎直上牛斗問皆清雅可誦

懸車

倦鳥知還接翅歸故園邱壑果堪依閒攜古錦遊山寺靜把長竿拂釣磯有酒會須徵野客無錢何不典朝衣北堂色養南陔樂四十懸車未必非

詹英

字南屏錢塘人官江西都司著桐巖山房詩刪

周斯盛序畧洞巖集清疏秀

琢有韋蘇州許丁卯之風

杭郡詩三輯南屏爲宋牧仲中丞戟門
愛將雅歌投壺一洗劍拔弩張之習

送羅飯牛游廬山

我愛羅叟臞而清願以邱壑了一生游屐東南踏已徧投老
仍作匡廬行匡廬奇秀播天下層巒飛瀑難爲寫君今欲識
眞面目九天咳唾供揮灑人生行樂能幾何五嶽之願良足
多安得攜杖隨君去絕頂看雲一放歌

雨宿沂水

日斜人影亂路折石橋橫戍角驚棲鳥荒煙隱暮城三更茅
店雨千里故園情漠漠寒雲結天涯夢自清

蒙陰

聞道蒙陰鬼谷居臺名八卦有遺墟石林丹井苔深掩何處

相逢訪道書

相傳蒙陰山中爲
鬼谷子得道處

萬柳堂

相國留芳躅眞成綠野堂
拖煙垂碧縷舞綫鎖春光
不到靈和殿偏疑渭水傍
鳳城多勝地獨此戀斜陽

趙正鏞

字鳴仲東陽歲貢
著合香集

詠松化石

我懷馬鍊師延眞偶棲息
丹竈隔林泉幽洞飛精液
觀前有古松無人敢究詰
厯歲已三千行且脫塵劫
道人指其幾神物忽心折
一宵風雨作形影頓然易
易彼蒼翠姿化此堅貞質
若欲避秦封青天爛白石
物化本自然達觀悟靈笈
秋風振衣袂太清可嘯噏

柴文顯

字翰林廬附貢

桐君山

岷突起江皋何年五丁鑿下有馮夷宮上有神仙壘雲開一
塔明波定千松倒俯仰幾人閒聊以寄吾傲

管式龍

字南棠海甯人寄籍海鹽康熙癸巳進士官工部主事

吳振械曰南棠先生官中書時與纂春秋及子史精華擢都水司主事提督寶源錢局吏進月例錢作色曰帑外安有錢吾方稽弊敢爲弊吐去之俄兼檢討視學湖北已被疾星馳赴任未及試士嘔血卒年甫強仕遺稿散佚僅存廷獻先資四卷

中書直宿口占

鳳樓天半護朱霞人直西清靜不譁坐覺夜深簾影活一輪
月照紫薇花

翦燭修書玉漏催添香默自撥鑪灰不須更羨花甌步也自
娉嬛福地來

陳世倌

字純齋海甯人
康熙癸巳舉人

海昌備志世倌著有經說纂錄通志堂經解纂左傳事類賦載道編讀書錄游藝錄駢體嘉話少廣補遺發明句股演法杜詩集注詩苑英華
歷朝詩咀華種書田稟等書

朱孝子誠齋廬墓詩

昊天之恩本罔極生養敢云已竭力古人念茲有餘悲往往
築居傍兆域伯喈喪母廬中宿有兔馴擾依其屋三載哀號
苦山間松楸忽成連理木偉元痛父心驚愕淚霑松柏樹枯
索又聞士行守喪廬弔客突來雙白鶴諸公事死仍孺慕天
地鬼神自呵護炳列前朝史冊聞姓名千古猶堪數吁嗟世
風日波靡誰能廬墓作孝子不見郊原馬鬣封道傍寂寂成
荒壘翹然獨有誠齋公純孝何曾與俗同定省不因死生隔
一椽重蹈瑩前迹淚漬團團土未乾後先六載忘毀瘠生前

至性原難已豈期沒後邀

恩旨旌門綽楔拜

綸音輿論稱公應若是行看千載播芳馨錫類淵源足媲美

許惟柱

原名惟楨字靜齋海甯人康熙癸巳舉人

家傳畧公冲簡沈默讀書鄉塾竟日端坐文譽震流輩庚午入試北闕值疫癘流染知交望門卻避公友郭某暴亡獨往視含越三日果病卒無恙

癸巳始舉於鄉年已六十有二矣

七十初度

蒲柳望秋零松柏經霜茂至人運達觀兩者等速朽浮沈人世閒太息枯塵杻窮達會有時陰陽默踐蹂山雞在樊籠毛羽空抖擻鷦鷯棲深林一枝亦孔厚仰見明月光俯視萬川有青山頻見招白社時攜手先哲有遺言素履坦無咎

韓黃猷

字麟圖餘姚人康熙癸巳舉人

詠菊

秋光淡無際，挺秀傍簷楹。歲晏時非晚，小春寒尙輕。幽芳深自晦，苦節獨能貞。恰被楚臣采，轉多人世名。

方引彥

字晦北，遂安人。康熙癸巳舉人，官臨海教諭。

嚴州詩錄：引彥幼時能背誦時憲書入都，攜一襖被往返，皆步行。年至九十四卒。

因雨牡丹遲開感賦

綺陌連阡錯，萬家關心頻。念鼠姑花誰教國色，因寒勒未許。天香逐雨斜，忍俊詎嫌才太豔。含芳爲避俗，爭誇從今漸。覺陰晴好醞釀，深醇冠物華。

趙

瑜

字瑾叔，錢塘諸生，著古樂府。

同人集雲居寺贈心上人

雲鎖禪關一片秋，招攜勝侶共夷猶。廊邊修竹迎青眼，座外

遙山對白頭僧倣中峯遺履著客墓松雪古碑留鴛湖一棹
同歸後又選楓林作快遊

徐

湘

字月岸號戒庵錢塘人官廣東長樂知縣

府志湘有幹濟才授長樂邑小不知學爲立鄉校召童子肄業其中捐俸給膏火由是邑興于學有兄弟爭財者訟連年不解曉以孝友之道兄弟皆悔悟涕泣相讓歲旱發倉米爲粥以食餓者又勸富民輸粟共濟尋以內艱歸

春日孤山祭忠節貞襄二公祠感賦同西泠兄

家祠展拜來孤嶼門對清流岸柳疏誓死英靈先太學平蠻
事業老尙書百年綽楔寒無恙二月蘋蘩薦未虛幾點紙灰
化胡蜨墓門翁仲月明初

王紹曾

字孝先仁和人

杭郡詩續輯孝先與王東曙升潘夏珠雲赤陶羽達儀唐子翼洪基俱出沈東江門下有東江八子集毛稚黃

爲之序

晚過大慈院

紆徑尋僧舍斜陽澹客愁雲歸隨鳥沒冰斷帶魚流竹暗泉翻雪梅開月滿樓晚鐘聲不住襪被話前游

查書繼

字古愚海甯人

張元祐傳略古愚性穎好學爲人尙氣節負大志與人落落多不尙可心契陳確許全可陸嘉淑輩讀書以實學相砥礪胸有卓見遇事敢爲有蹈奇禍者濟於死不憚賸身保之甲申後坐臥丈室中謝絕人世入謂其以狂疾死殆有所託歟

讀書黃山枕濤莊感懷

我心如金石巖霜厲澗松洗耳豈不好黃岡長臥龍

沈

鼎

字禹傳號王才平湖人

施簣初曰王才少孤事母孝弱冠喪母寢苦枕由三年不梳沐積受溼氣瘡發髮禿年三十四卒

秋夕煙雨樓玩月

一片清光照板橋，明湖如鏡水迢迢。
寒煙夜冪重陰碧，柳外嘯烏亂玉簫。

汪

坤

字大隅，號舍亭，仁和人。康熙甲午舉人。

杭郡詩輯大隅三試禮部兩遭親喪遂絕意進取，勤于撰述，所著有黃腫漫志、悔人草、舍亭病餘錄、村樂堂文集。

登金華密印寺浮圖

客思秋無聊，紺園成獨往。
曲徑森松杉，軒宇極宏敞。
畫壁蹙狻猊，剛坐馴龍象。
牟尼淨若睡，妙契無言想。
微颺驚墮葉，空際鈴語響。
矯首矗支提，金碧耀珠網。
振衣陟層層，歎在諸天上。
周遭肆遐矚，天清絕塵坱。
雉堞狀蜿蜒，人煙叢沃壤。
東南山逶迤，連峰列仙掌。
雙水滂西流，蘭江共瀉蕩。
緬懷東陽守。

高詠迄無兩隱隱赤松山癡龍誰爲訪傳有讀書堂辨命論
骭髀山川自沈寥人代倏今曩目倦海門東臨風增悵惘

張文釐

字風林蕭山人康熙甲午舉人官雲南澂江知府著蘿江詩鈔

永興集風林先生爲毛西河太史入室弟子西河合集多其校訂嘗讀書邑之蘿山下著蘿江日記闡其師說經史禮樂具有發明

寄浮峰詩社諸君

晚涼庭院坐新秋微月初生亦滿樓千里故人誰命駕百年
多病有孤舟風霜草木驚時態砧杵關河動遠愁疏水曲肱
吾自樂茅堂今在越溪頭

楊宏俊

字秀升號慕婁開化人康熙甲午舉人官山東鹽運使

縣志宏俊初任江南穎上令遷山東登州知府授登萊青道至鹽運使所作詩文甚多

包山懷古

尼山道脈萬古新漢儒議論多疵醇昌黎一髮引千鈞原道
諸篇說理純關西濂洛接踵生宋儒遺經能闡明折衷一是
賴誰氏明賢應運集大成婺源之鄉產朱子吾邑山川距百
里汪氏弟昆稱二難親炙一堂窺奧旨子浚復遊東萊門聽
雨軒詩互嘉許浚歸不誇衣錦榮包山書院旋經營規模多
仿白鹿洞手澤不忘月波亭我來此山日亭午緬想遺徽獨
延佇積垣破氏勵有存斯道淵源自千古

林

揚

字起瞻號蒼崖
錢塘諸生

丁仙亭

神仙渺何許亭子尙依然
筭急乍來雨幰開好納煙草香堪
作藥鶴迴只聞鵲獨立殘陽久飄飄遠世緣

張景曾

字星甫錢塘
人壇從孫

杭郡詩續輯張素亭言景曾豪邁不羣壯
游出塞直渡遼水賦詩寄志體格崢嶸

出山海關

十載江湖客今爲出塞游風煙生馬首塵土敝羊裘遼海波
濤闊松山草木愁閒關何所事乞食笑迂謀

撫順堡

荒城昔日當衝要想象雄圖扼上游形勝直趨今鐵嶺提封
旁挈古銀州北山寒立千尋雪渾水平傾萬里流短劍敝裘
吾自樂乾坤綠鬢任悠悠

翁遠業

字屈子
錢塘人

新昌道中

石砭危欲動近郭下籃輿邑小不成市年饑孰濬畚積雲嘯
鳥雀深樹狎蜎狙觸熱傷行役東皋思著書

柴世疆

字士容仁和諸生著先月樓詩集

浙人詩存曾王父負才不遇歷游秦晉間寄興吟詠沈雄豪邁讀之發人遠思

陰

江昏魚搏浪屋暗鳥穿樓十里人煙聚千林樹色收重雲埋石磴宿霧隱沙鷗不識前村路迢遙望一邛

同人夜集送俞掌天遊粵東

同人相對共銜杯百粵何堪別思催瘴海直連虞帝廟蠻煙遙接越王臺雲飛驛路看征雁雨到關山聽落梅此去嶺南風日暖懸知枚叔自多才

五老峰前秋色微紫霄洞口駐朝暉蘆花故故低昂出楓葉時時遠近飛靈運幽居情自適志和泛宅跡偏違誰言此地堪畱滯莫向仙池拾彩衣

黃道暉

字吉光號旦陽
鄞人著燈軒集

初夏偕同人湖上野祭

故里江東市濁醪一盃聊復薦溪毛爲文生祭誰炎午擊竹
登臺有謝翱林外杜鵑齊泣血草間螻蛄亦悲號遊人若問
當年事荔子峰齊華嶽高

李茂先

字文驥嵊縣人
貢著漁溪集

家傳略茂先少負才陳氏植節教之有聲藝
林山陰王白岳言其才爲序其集而名益著
商盤序略漁村漫興詩時
露新意洵稱刻中之秀

漁村漫興

家山遙望暮雲多萱草堂邊安樂窩隴右終須歸太白少陵
原不戀岷峨久疏酬應門羅雀小試經營帖換鵝從此還添
借書債牙籤堆集慰蹉跎

少年蹤蹟半沈浮可是娉婷待蹇脩將種雖甘填馬骨客星
偏悔著羊裘梅因有核酸仍在蓮到無心苦始休失笑塵緣
除不盡草堂昨夜夢封侯

沉

揆

字我枚號南村仙居人

周求玉曰南村古貌冰心昂昂鶴立詩文矜貴鏤金戛玉可以不朽

懷周求玉

天高秦望倚巔峴知己青雲一見難蒿徑病餘容沈約布衣
名下走周磐十年夢繞屏山暮萬里春回石屋寒剡曲興來
應買棹相思兩地敘漁竿

周麟士

字維禎號思皇嘉善人康熙丁酉舉人著行笈騰稿

石瀨山房詩話思皇家貧幾廢學夜讀不能具膏火聚敗紙殘蠟以自照

澄江試院新柳次查儀部學庵韻

一行官柳映虛廊
裊裊丰神淺淺妝
好趁鄰家紅杏色
新陰和雨度莓牆

斜拂低垂孰與持
風前初試小腰支
春來容易牽情思
況是池塘嫩綠時

王

錫字觀揚號半谿海鹽人康熙丁酉舉

陳受之曰君少孤江甯知縣著棲碧堂詩稿
則出家財佐之三年調豐邑被議而城南二頃盡矣時
吾邑令楚南丁元正亦以清白去官至君家酒半丁酌
王曰昔子與氏謂仕非爲貧也而有時乎爲貧今吾與
髯所謂貧非爲仕也而有時乎爲仕一時座
客無不絕倒蓋君髯長及腹故戲以號之

湖浦舅氏邨居

宅蔭千竿竹門臨萬頃湖
秫田取次熟濁酒不須沽
常饌充魚婢稅糧問水奴
悠然塵坱外熙皞樂唐虞

姜順龍

字見田號麟玉山陰人康熙丁酉順天舉人官至四川按察使著見田詩艸

孫德祖曰順龍自其父寄籍大名由是登北闕薦見嘉慶初大名令張維祺序又云于其嗣胎絃昆弟得見此稟蓋剛是遂定居河北矣

詣山陰謁祖塋

先世德澤長子孫庇餘烈緬惟高曾來卜宅在東浙逮事我王父自幼蒙提挈詩禮承家誥鞠育恩斯竭墓門閔泉壤枕席漬淚血蹉跎燕趙閒卅載成一瞥南望愴松楸霜露悲時節幸茲捧檄歸謬許銀章擢自顧涼薄躬何以高閥閱凡此寵綏邀盡賴恩輝竊罔極同昊天欲報不可得俎豆聊告虔椒酒清且潔馨香庶鑒之靈爽儼就列還祈永錫祚奕葉緜瓜瓞

凌紹英

字倍千號煙客又號胥山錢塘諸生著平昌雜錄滇游草

吳振械曰倍千才思踴厲與人無高下輒得其歡每同人會集言如翻水竟日不竭十困場屋遂幕游四方張

谷貞提督滇楚招與俱行撫勦紅苗皆
從其計時人比之胡汝貞徐天池云

楚雄道中望大理點蒼山

一帶白雲連蒼山逼遠天模糊疑見雪杳藹若生煙絕頂幾
人到古松孤岫懸計程三百里凝想便悠然

遊無爲寺

蘭峰峰半無爲寺盡道幽巖萬象開健足馬行安步去無名

花自送香來曬經莫漫尋新草

寺上有曬經坡廣三百步不生草木世傳唐高僧曬經處

駐驛何須坐舊臺

元世祖曾駐驛於此

惟有古杉忘歲月

寺有唐杉三株欺霜

傲雪白雲隈

榆署遣懷兼憶大兒爾增

大理府漢名葉榆縣

過卻知非又二年飄蓬自楚復之滇一春花事時光換萬里
歸心日夜懸洱海竟無消渴酒西湖尙欠買山錢兒行那得

如飛燕越嶺翩然到我前

壬辰歲除日雲南提督署示大兒爾增

飢驅類梗萍廿載鮮甯宇浙滇萬里程他鄉詎樂土暮春三
月初爛漫羣芳吐駐馬洱海濱縱目蒼山隴五華樓上鐘大
帥轅門鼓按五華樓南詔豐祐建方廣五里高百丈上可容萬人下可建五丈旂元修明廢提署距遺址數十
武壯志在論文無端日講武夏秋去若馳冬似弦開弩今朝
逼歲除相看日卓午天靜碧無風和光藹庭戶玉蘭白雪姿
瓊瑤綴高樹報春紫滿階叢叢復楚楚山梅其水仙馨香而
媚嫵碗口大茶花殷紅醉欲舞齋頭數花俱備誰言冰雪時氣與豔
陽伍旅況若能宣客愁難盡數僅見此風光怡然情栩栩大
兒爾來前汝居吾語汝人生苟適意隨遇安如堵況復景撩
人每歎鄉關阻酒肺宜一觥詩腸宜一脯對此顏色芳龍涎

再一炷及爾且長吟憂傷吾弗與父子足自娛殷勤謝賢主

贈劉玉章彬卽用見贈蓮花峰舊作韻

一見便傾心金蘭差可擬著述邁時流展卷瞿然起傲骨本
天成宜其淡金紫逸興干雲霄繫情在山水孝友全天倫敦
素薄奢侈楷模何處求古風今在此不羨點蒼高不嗤洱水
庫望洋登泰華於焉歎觀止作賦與哦詩遺音追正始何以
迴狂瀾中流挽波靡貞此歲寒心天地常不死

季

煌

字偉公
錢塘人

杭郡詩續輯偉公與朱竹垞在嶺南有燕集
五層樓分韻詩時在康熙癸酉見曝書亭集

屈翁山見過

久矣成高臥誰堪倒屣迎獨醒高士意同病故人情
無地千時愧有名與君茅屋下疏放足平生

黃啟圻

字右序仁和人

杭郡詩續輯右序爲仁和閨秀顧若璞長孫詩見西溪梵隱志

永興寺看梅

荒寒古刹傍巖阿
載酒尋梅唱踏莎
老榦橫雲蒼蘚蝕
素魂依月淡煙拖
亭亭愛伴鐘魚靜
得得生憎車馬過
倒挂綠衣香入夢
松風亭畔憶東坡

黃

墀

字無傲仁和人

杭郡詩續輯無傲生平無可攷吳西林序李澄齋嘗溪堂小集載抗之東郊居民樸魯絕少文學之士本朝之言詩者自黃無傲先生始時與徐紫凝等相酬答云云則康熙閒東郊詩人也

看雲亭二首爲芥庵先生

先生夙負凌雲志
歲晚看雲意若何
塞北亭亭車蓋遠
江東渺渺海天多
不須蠟屐尋邱壑
時有奇峰入寤歌
爲問碧筒

誰勸酒天孫冉冉下銀河

雲外閒雲常不繫先生舒卷道如何自怡已志逍遙甚莫問
人情感慨多東野儼然龍作友寥天一任鳳爲歌十年遲我
來相訪休遣清流變濁河

朱

升

字日如
長興人

浙人詩存先生工繪事墨竹
尤妙詩亦飄飄有凌雲之致

藝香山

故國佳人思正長小山好景思難忘雨餘賸欲垂春淚月底
還應洗夜妝千樹冰痕疑妒色一枝雪暈似浮香閒身老眼
看花慣莫厭連辰數舉觴

董胡駿

字周池號南田鄞
諸生著小衍集

古意

苜蓿種深宮蕙蘭披荒嶠草木無貴賤託根重清要何似佳人憐枝葉生嚙笑爲語洛陽人慎勿恃年少

落花

一年春事易蕭條瞥眼繁華頓寂寥珠箔收時紅雨歇玉樓倚罷絳霞消慣隨流水橋邊出亂逐春風柳外飄莫怪王孫獨惆悵憶歸芳草路迢迢

看到闌珊白日昏更從何處倒芳樽聲聲誰識流鶯怨采采應消粉蝶魂愁緒牽人無可奈飄零如我復奚論年年此際添憔悴三徑苔深晝掩門

童

璵字與若
金華人

春事

春事已如許寒風著鬢吹藥畦深過膝柳檻暗欺眉借得琴

牀至難將茗椀隨細思行樂處花發獨吟時

曹源郊

字尹東號東牧嘉善人康熙戊戌進士官翰林院編修著古香閣集

續橋李詩繫東牧爲夢懷少宰子弱冠工詩古文詞擅書法負才卓犖不可一世丙午典試粵東冒暑馳驛入閩力疾校文榜未發而歿嘗卜居陽研堂宅餘隙地擅池石之勝環境桂花百十株名曰桂圃卽景標題得二十詠同時印者不下千餘首

東園產芝秋暑未能往觀先成一律柬二兄

步屨山巖日夕宜精神相感產神芝種分仙圃三枝秀氣合
靈機五色奇石上盤根雲作護溪邊映彩玉爲姿明朝擬約
來相訪可許瓊漿啜一匙

吳家麒

字晉綺號晚楓桐鄉人康熙戊戌進士官至禮部侍郎著雙硯堂集

沈冠雲曰宗伯詩文尤長應制體其在史館所進

三朝國史表及

實錄序贊並以豐腴不繁見稱於時

重巖厓

路窮山愈高四睇怪而赭一步一危級來此絕壁下橫羅百
罌盆攻鑿非力假繫豈失瓊漿空半掛玉罍腹行窺幽宮點
滴飛雨灑寂寂水底天恍覩鏡光冶石縫露凝蘭谷罅風撼
檣劉郎去不還流水空鳴瀉洞口碧桃花悠悠付誰者內爲
潭

顧

錦字素瞻錢塘諸生

讀柴斂礪詩卷

君家片壁自藍田玉軸光生夙草懸七序漫爲驚世語靈犀
一笏畫長然

陳光煒

原名章字廣之錢塘諸生

浙人詩存廣之謹飭自持與晤對如揖廣成如瞻秋水

立夏

林塘改夏已全非
昨夜深更春竟歸
門掩曉風紅乍瘦
窗含宿雨綠初肥
手邊欲試輕團扇
身上還披薄絮衣
惆悵交交枝畔鳥
分明猶是說芳菲

陳奕培

字子厚
海甯人

東莞城東十餘里梁平村有老人鍾敬祖今百有二歲
家大人挈余同訪老人輿而出其子已八十矣賦紀
朝出東城路寒風馬頭迎遙村度逶迤山勢鬱崢嶸門閭榜
人瑞朱書官長名輿舁扶杖出試問何朝生正朔云嘉靖桃
源有遺氓定居無轉徙坦爾安鑿耕雞犬自馴熟何曾見甲
兵白髭相引掖老萊腳力輕父子幸健在笑看歲月更悠然
商周代相對皆錢彭

余聯翮

字雲將遂安人著芥園詩稿

百尺漈

懸崖雪浪飛千尺
砰鏘激射無休息
下有深潭怒吼之蛟螭
上有猿鳥不度之絕壁
玉龍鼓鬣挂長空
隨風旋舞幽壑中
空濛杳冥閱今古
煙靄青蒼互吞吐
有時日射白雲飛
金蚪閃灼搖晴輝
或逢霖雨滂沱久
雷奔電掣山獺走
我聞雁蕩廬山之奇
天下少霞源傾注落
天表不知何時分得
龍湫一脈泉遂與靈
巖稱二好

吳問郊

字浣陵初字皖輪錢塘人康熙庚子舉人官順天通州知州

題朱鹿田剡曲集後

自笑閒身不耐閒
韶光又送一年還
爲吟水部佳游草
如見天台勝處山
長日迎寒飛瀑下
幽禽聽老怪松閒
花朝出喚

春江渡春盡歸來花事刪

許大綸

字若愚號初觀田子仁和人康熙庚子舉人官雲和教諭著茶毘賸稿二卷

杭郡詩輯初觀稱詩五十年自幼習聞庭訓又濡染于笑庵月查諸名宿故其詩清超拔俗脫然畦町之外

畚民有序

雲邑僻處萬山有畚民一種散居村落止二三姓其婦女以屨蒙首短衣跣足入山樵采同姓爲婚官亦不問大率來自閩粵山中爲賦長句志之

長林蒼莽峰嶙峋山君木客爲吾鄰荒陬風土亦樸瀟其稍生獐爲畚民面目倣詭不可親與國耘耔租賦均地通五嶺與七閩得非獠獍獠人何年轉徙雲溪濱爰居爰處謳皇仁或斥其先犬所娠還疑傳之非其真村叻笑指非吾倫肥瘠視同越與秦寥寥幾姓聯朱陳不與土著爲婚姻窮鄉

生計多苦辛攜妻挈孥行荆榛天寒伐木手足龜健如黃犢
奔如鷹朝來叩門喚賣薪蓬鬢亂插山花新得錢易米喜不
嗔往來數數漸擾馴浮生何必儕冠巾我固山中蟣蝨臣可
悲可詭皆前因賦詩一笑忘沈淪

施觀保

字渭濱歸安人康熙庚子舉人官象山教諭

章有大撰墓誌觀保性孝友重然諾取予不苟尤邃於理學所著甚富嘗謂唐宋以來六書齟齬浸失其傳著釐韻三百卷凡三十年而成借未刊

阻風燕子磯讀壁閒宋荔裳先生詩悵然有作

蒼茫下金陵磯石臨江中日行已南陸破浪猶東風維舟不
得發步入古梵宮殿閣倚巉巖晨光啟疏櫳謁來宏濟院豁
然開心胸挂壁有佳句寥寂披塵封云是東萊子五字破堅
塘風格標晉魏卓犖冠羣雄末識己酉冬阻風贈蒲公後君

六十年我來情頗同而無驚人語躑躅慚芳蹤聊爲一拂拭
明朝各西東

周定昌

字純伯鄞人康熙庚子舉人

蔣學鏞傳昭定昌性嚴毅重然諾少問業於范光陽光陽守延平邀其課孫逾年告歸

月湖秋泛

漱澹湖光一鑑秋
柳花深處月華浮
短篙輕撥金波動
驚起

鷗羣過別洲

沈莫尙

字禹聲號金城餘姚人康熙庚子舉人官嘉興教諭

府志莫尙乾隆戊辰爲縣教諭品行端潔課士嚴而有法嘗捐俸倡建尊經閣邑人士助成之學制大備

偶感

百鍊將成繞指柔
十年何事客荊州
未能免俗聊從眾
豈不懷歸故倦遊
薄醉時觀鶚鵒舞
嚴寒早典驢
驢裘丈夫湖海

生平志莫戴南冠學楚囚

莊允雯

字漢威號用拙錢塘人

贈友

朝來爽氣滿軒中染翰翩翩此度逢石鏡乍開西子面錦隄
曾拂麗人風投金自我驚南箭抱玉如君足歲豐好擘雲藍
箋五十題將小草問端公

金蘭旌

字子萬錢塘人

讌席偶成

四座狂歌客金臺握手初酒聲燕士筑藜影漢臣書爐炭紅
燃獸盤冰白鱸魚禁街風雪夜誰許醉騎驢

鄭大倫

字青璧海甯籍四川人著瓠軒問柳稿

與趙雲岑坐話

比屋通良晤論交若飲醇嘉言持作贈浴德結爲鄰細數春花
落閒評老樹新天涯存古誼相對轉情真

朱

林

字何存
海甯人

吳女哀

吳女吳中士人妻也不傳氏族美姿容以水災
夫婦流離於道少年欲辱之遂投水死朱子義

之爲吳
女哀

黃雀乳空井不食覆車粟猛獸念朝飢不飽机上肉傳聞吳
中女秀色傾華屋春風生履綦憐壻如珠玉攜手歎流離娉
婷若轉燭誰家輕薄兒枉送路傍目因之汜長川芳洲不忍
綠夫何美紅顏懷沙而賦鵬一任楚陽臺雲雨多反覆南鄰
倚市門北戶理清曲東牆望所歡西舍琴心屬

卓

基

字次厚
武康人

蔣玉淵先生枉顧畱飲芳杜洲

新雨收窗際難分山外天茅檐空翠滴極浦斷雲懸明月虛
今夕聯吟憶往年平原雖有媿十日望留連

黃之傳

字築隱號肖堂鄞諸生

甬上續耆舊傳先生少負高才下筆爲詩古文吐棄一切恣其所見嘒嘒出之不知者掩耳而走蓋古之任也

火後寓居湖西感懷

擬向橫流前靠水結茅住舊識四五家老種兩三樹師耕拜
農丈結繩收網罟酬酢卻冠裳談笑謝章句自署無懷民烟
蓑盟鷗鷺斯意恐不酬矯首但神注

裘豐芑

字燕詒號霞江慈谿諸生著予思吟

訪陸子雙柑過高太史北墅

不訪雲閒陸何能北墅遊林幽迷曲徑雲斷出高樓殘圃花
誰辨荒橋水自流徘徊辜客興落日促行舟

江光被

字堯章奉化諸生著夢花閒草

婕妤怨

水滴銅龍暗計更桂花無語月無聲自憐團扇猶如昨倚遍雕闌睡未成

初夏偶成

客裏惜春歸春歸誰是主搔首坐中庭花落黃昏雨

陳其均

字禪恭上虞諸生

浙人詩存禪恭幼穎悟絕倫嘗游韜光寺有竹徑入深人面緣之句爲先輩所賞

錢武肅王廟

湧金門外錢王廟歲久森森列柏高吳越至今懷保障春秋終古薦牲醪百年霸業空烟水萬古英風尙海濤玉帶繡衣人不見斷碑寒雨臥蓬蒿

潘世懋

字功賞
西安人

府志世懋才穎學博直指任天成嘗褒崇其孝行加隆
禮焉生平急難兄弟存撫孤姪尤士林所矜式詩文書
法名噪一時著有雁字廣吟初秋軒集郡
侯代輿韓公稱其華贍淵凝爲序以行世

游柯山

碧蘚迷樵徑蒼蘿覆斧痕
塵心柯並化世事局同論
風掃花間路雲埋藥底根
毋言天際遠仙在卽崑崙

鄒九煥

字堯章錢塘人康熙辛丑
進士官湖北江夏知縣

游雲棲寺

層巒霏翠靄曲徑引松風
清磬鳴精舍閒雲度石
襍夢餘潺澗急梵誦湧
潮洪今古茫茫事禪機在箇中

俞鴻馨

字尹思海鹽人康熙辛丑
進士官直隸磁州知州

胡昌基曰先生官靜海時患蝗災焚香夜禱翼日蝗盡
死知冀州捐資修堤民安耕耨卒于宦鄉民祠祀之

兩浙輿地續錄

卷四

盤縣知縣俞鴻馨周來鳳撰

五

和弟湧原初秋卽事

吏散庭空竹木幽，山城管領又經秋。
簪宜小玉釵宜鳳，薄暑新涼作逗留。

周

案

字展臣號蝶庵桐鄉人康熙辛丑進士官山東諸城知縣

寄允開弟

東邑藏吾拙，西堂夢爾勤。
雁行宵漠漠，月影曉紛紛。
淨挹牟尼色，清吟冰雪文。
相看真不厭，非是悔離羣。

周雲抒

字細雯青田人康熙辛丑進士官錢塘教諭

贈友

寒暑同僧舍，閒雲野鶴過。
門餘千嶂雨，座冷五湖歌。
作客渾如寄，裁詩不厭多。
幸隨風雅後，載酒舞婆娑。

錢觀江

字武瞻錢塘諸生

讀柴恭季遺稿題後

柴名世垣

生前身世亦淒涼何論重泉去渺茫
謾說無兒悲伯道誰知有子似嵇康
孤懷堪訴惟山水潔已何辭飲雪霜
歎息故交零落盡獨餘衰白類靈光

陸尊周

字權垣錢塘諸生

浙人詩存先生英氣逼人應事明辨以斯人多敬憚之詩亦具存爽致

同柴胥山北溟夜坐

二子來蕭寺秋深夜漏長相逢知己在握手
客情傷殘月明疎樹寒星映草堂不須搔短髮
隨意論文章

查

瀚字樸莊海甯人著偶然吟

雜詩

橘柚忽生蝨蠕蠕自延緣性貪形復惡爲害等蝗蝻一朝化

爲蝶弄影舞蹁躑夕宿花房內朝游香閣前爲蝨人所惡爲
蝶人所憐氣質一以變盜跡亦英賢人生莫自棄我思晉戴
淵

章

勛字我朋昌化諸生
著繩武堂遺編

自雙溪館至治平寺次東坡韻

亭前樹老猶餘古點綴寒空翠欲搖霧隱芝田封宿薜風開
蘭畹長新苗尋芳時涉雙溪館采藥頻過百丈橋何事幽居
塵不到閒雲慙亂鎖山腰

葛世揚

字懋哉號認軒鄞
諸生著月滿樓草

園齋雜詠

兀坐不知晴敗戶絕簷溜雲罅漏疏星林端窺遠岫屋敲煙
欲扶牆古蝸爲繡老農話前楹松身而鱗皴冬春雨久稀一

雨晴偏又清明得甘霖麥種尚可覆感此念故鄉田園荒蕪
舊環村布穀啼客子忘耕耨昨夜夢山窗新綠肥梅豆

春郊雜興

春山不可接遙望生光輝日暮漸杳冥投林見鳥飛車馬正
紛紛風塵霑我衣獨立誰與語悵然心事違

不寐

官署春宵寂羈人夢未成鄉關空憶別譙鼓太分明窗外月
初度牀頭劍欲鳴起看爐火在汲水聽茶笙

桂成章

字煥文號則亭慈谿人
著紀遊集燕植堂詩

春日招友

春初天氣和閒居澹然有眼昏猶喜書量窄未惡酒負喧弄
稚孫得句懷舊友還能從我遊孤山探梅否

唐文煥 字尺木奉化人著嵩溪詩集

寄陳介眉

文園近日更何如
杏樹莊頭好隱居
塵隔不知城市鬧
門開惟見稻梁疎
碧窗晝靜閒評藥
綠樹風涼可讀書
喜得江村殘暑退
擎舟還擬訪精廬

張祖年 字中伯湯溪人著道驛編

金華詩錄祖年隨父可元秉鐸松山瞻廟廡有張子南軒神位祖年未南軒二十世孫也因問父曰我祖何為位於此曰此以理學傳聖統者得從祀學宮緣是心慕於學比長顏其讀書之廬曰道驛若以古今道脈相遞而身為之郵傳學者稱之為道驛先生

和朱子性理吟小詩代序

如何度日學因緣
謝卻塵紛守一椽
世有遺編昭手澤
家多語錄識心傳
研求不羨書中粟
纂述還耕硯上田
細繹晦翁

吟性理續貂非曰敢希賢

曹恆吉

字可久號石公上虞增生著曹江集

陶潛宣曰君善古文浸淫於震川荆川之間一時名士爭與之交

龍山道中

大江流不轉危石咽其衝潮過沙猶溼崖懸水自春漁歌芳草渡僧韻夕陽鐘春色濃還淡寒雲起別峯

病起作

懶餘博得鬢婆娑不覺煙林綠樹多百斛愁腸詩監押一春花信病消磨黃鶯弄舌成新曲紫燕銜泥認舊窠指日清和天霽後杖藜何處不高歌

倪長駕

字雲士號所齋上虞拔貢著潘多軒詩文集

國朝詩話吾越忠貞之裔著姚江黃徵君太沖宿學重望不必以詩見其餘著述不甚流布山陰祁氏世居梅市

兩浙輶軒續錄

卷四

曹恆吉倪長駕陳皓瑜

三

與子家距二十五里耳曩時理孫班孫諸哲且難搜訪
其遺篇近從故紙中見上虞倪文貞曾孫雲士潘多軒
詩一帙如折楊柳云北塞流星驛西秦明月關長安秋
夜月云愁從曉角起思逐故鄉來七律如宋陵云馬嘶
半掩江南上鉦鼓難消塞北塵一自風沙迷故國幾多
臺殿沒斜陽亦虹綃血長天落白馬銀濤滄海奔半致
佳頗

陶潛宣日君爲倪文貞公子無功先生之孫先生諱會
鼎師黃石齋先生學問經濟並卓絕而高尚不仕康熙
十年
詔求山林隱逸長吏以先生應卒不就君弟長庚字鶴士諸
生雍正己酉安徽巡撫魏公廷珍特薦賢良引
見以知縣發往甘肅有循聲亦能詩

銅城驛舍

斜陽古道草萋萋纔上征鞍又解驂處處蠻歌沙外唱可知
俱不似江南

陳皓瑜

字子攻號荊菴上
虞人箸則餘草

和秦留仙詠紅葉

疏林蕭颯變霜華點染秋容駐客車上苑花明寒颭夢故宮
春去訝蜂衙亂山高下疑殘燒野渡霏微閒落霞最是鄉關
空極目西風歸雁夕陽斜

兩浙輶軒續錄卷四